



Pou Piblikasyon Imedya: 27/12/2021

GOUVÈNÈ KATHY HOCHUL

**GOUVÈNÈ HOCHUL ANONSE EXCELSIOR PASS DISPONIB KOUNYE A POU  
VETERAN MILITÈ YO KI TE RESEVWA VAKSEN COVID-19 NAN YON  
ETABLISMAN POU AFÈ VETÈRAN**

*Dekrè Egzekitif 8 mande Depatman VA transmèt dosye; pèmèt veteran kouraje yo pwouve san pwoblèm estati vaksinasyon yo epi gen aksè ak sèvis yo ki egzije sa*

Gouvènè Kathy Hochul te anonse jodi a ke Excelsior Pass ak Excelsior Pass Plus disponib kounye a pou tout veteran militè yo ki te resevwa vaksen pa yo nan yon lopital Depatman Afè Veteran (Department of Veterans' Affairs, Department of VA) Etazini oswa nan yon etablisman swen sante nan New York. Biwo Sèvis Teknoloji Enfòmasyon (Office of Information Technology Services) eta a, Divizyon Sèvis Veteran (Division of Veterans' Services), Depatman Sante (Department of Health, DOH), Chanm Egzekitif la ak reprezantan gouvènman federal la te travay ansanm pou asire ke kounye a, prèske 117,000 veteran militè ki elijib kounye a ka rekiperè prèv vaksinasyon yo nan platfòm Excelsior Pass Eta a epi patisipe totalman nan re-ouvèti Eta a.

"Pandan n ap konbat vag sezon ivè a, li pi enpòtan pase anvan pou Nouyòkè yo pran vaksen epi gen aksè ak Excelsior Pass la", **Gouvènè Hochul te deklare**. "Soti nan swen sante rive nan lojman, Nouyòkè ki te sèvi peyi nou an merite swen ak respè lè yo retounen lakay yo. Se poutèt sa mwen fyè pou m anonse plizyè santèn milye veteran New York yo pral kapab kounye a itilize Excelsior Pass la, pou yo ka pataje prèv vaksinasyon yo epi pou yo fasilman akeyi yo nan biznis ak nan sit yo atravè eta a."

Avan yo te egzekite chanjman sa a, Depatman Afè Veteran Etazini te pataje done sou vaksen kont COVID-19 ke veteran Militè Ameriken ki viv te resevwa, k ap travay epi pran vaksen nan New York dirèkteman ak gouvènman federal la. Kidonk done vaksinasyon sa yo te rete andeyò jiridiksyon Eta a, epi yo pa te kapab enkli nan baz done vaksinasyon Eta a.

Otòn sa a, Gouvènè Hochul te pibliye yon dekrè egzekitif ki te kòmanse pwosesis pou pèmèt Depatman Afè Veteran federal transmèt dosye vaksinasyon ki gen rapò ak COVID-19. Atravè kowòdinasyon sa a, li te bay VA otorite pou founidone sa yo pou pèmèt veteran li yo patisipe nan pwogram Excelsior Pass yo. Gen plis pase 700,000 veteran k ap viv nan New York.

**Ofisye Enfòmasyon Anchèf Eta New York la, Angelo 'Tony' Riddick te deklare**, "Gras ak lidèchip Gouvènè Hochul ak patnè nou yo nan tout nivo nan gouvènman an, Excelsior Pass ak Excelsior Pass Plus disponib kounye a pou tout veteran yo. Antanke yon Veteran Lame aktif pandan 30 ane ki te pran vaksen an nan VA a, mwen ka rapòte ke mwen fè pati gwoup la epi mwen pran Excelsior Pass mwen an. Nou tout dwe travay ansam epi pran mezi pwo-aktif pou kenbe New York an sekirite pandan pandemi COVID-19 la, epi platfòm Excelsior Pass la fè egzakteman sa a."

**Komisè Sante Eta New York pa Enterim nan Doktè Mary T. Bassett, te deklare**, "Nouvèl jodi a awofondi angajman Eta a pou ekipe tout moun ak aksè a yon Kat vaksen ki pwoteje vi prive, enkli veteran yo ak fanmi pa yo. Gras ak lidèchip Gouvènè Hochul, nou kontinye fè tout sa ki posib pou asire ke tout Nouyòkè—ansanm ak biznis New York—genyen zouti yo bezwen pandan pandemi an ak pandan vag sezon ivè sa a. Asire ke yo voye seri done sa yo kounye a bay Eta a non sèlman bay plis veteran New York aksè san danje ak prèv rezulta vaksinasyon pa yo, men tou li bay Eta a plis done ki ede nou kontinye pi byen fè pwomosyon ak pwoteje sante tout Nouyòkè yo."

Eta New York se te premye eta nan nasyon an ki te lanse yon prèv vaksen kont COVID-19 ak yon sistèm kat rezulta tès negatif, ak plis pase 8.4 milyon Excelsior Pass, ki gen ladan plis pase 2 milyon Excelsior Pass Plus, ke yo te bay depi mas 2021. Ansanm zouti a kontinye rete enpòtan anpil nan sipòte efò re-ouvèti eta a, sante publik ak devlopman ekonomik ansanm.

Byen bonè nan mwa sa a, Gouvènè Hochul te anonse ke yo dwe mete mask nan tout kote publik andedan kay la sof si biznis oswa lokal yo aplike yon egzijans pou vaksen. Biznis ak lokal yo ki aplike yon [egzijans](#) prèv vaksinasyon dwe asire ke nenpòt moun ki gen 12 an oswa plis pran vaksen konplè anvan yo antre anndan.

Eta New York rete yon lidè nasyonal nan devlopman prèv vaksinasyon dijital ak rezulta tès negatif prematire, akonpaye pa yon aplikasyon gratis ki kapab verifye pou biznis yo. Aplikasyon an—ki disponib nan plis pase dis lang—se premye zouti ki te konstwi pou valide Kat vaksinasyon yo ki te soti nan lòt Eta nan Etazini ak sèt pwovens ak teritwa nan Kanada ki baze sou konsèy federal ak eta a pou COVID-19. Apre nouvo egzijans mete mask anndan kay ak prèv vaksinasyon Eta a, platfòm Excelsior Pass la kontinye rete yon zouti enpòtan pou Nouyòkè yo ansanm ak biznis yo.

Moun ka aprann plis sou Excelsior Pass ak Excelsior Pass Plus la [isit la](#). Moun yo ka rekipere Kat yo [isit la](#). Biznis yo ak sit ka aprann plis sou [aplikasyon Eskanè Pass Excelsior](#) a—gratis pou tout biznis nan tout peyi a epi li disponib nan plis pase dis lang—ak kad [Emetè ki fyab](#) Eta New York la [isit la](#).

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418